

2 JON

Mi yokwo kwisaka Jon siya winkiya Grik simiir yaigin aiir, ya min boinkika Jon siya, wig aeya mi saiir yinisisim ikim. Nhirim yim ta wig airam naingwo tibmiigim sima hinina naingwokim saeya iikamim naingwo tibmiiyim yipiki maeyau kwiruwa nwowim simiir hiriir swoki imbiyamim. Siya simiirin min boinkikin sima irni nwirniyam inanaingwokwowim mi kam bibiyeyim simiirsi mintiraowim yipiki Kraiis siir dimin taeminim simiirgisimiir nisiimauu karamae nwowim. Iriig.

¹ Kara Jonkin, Adi Komii siir pugana saiir biyan inkamkin mi ta yokwowa kara winkika wigim yipiki biya Adi Komii siya nimbinim siir yinisisim nwowam kimiiram. Mi saeya kimiiraram bi winkika, saeya kima mi kimiir yinisisim ima kimiiramar winkika. Mi kara kimiiram nhami nhami naingwokwonanae rani, kanakana rani, iikamim yipiki Adi Komii krimiir Wanin siir yai aiiram naingwo tibmiiyim sima warar winkika.

² Krima kimiiram asi naingwokwonanaei. Dimusi rani, wara Adi Komii siir yai kibikibiyim kimiir kwoinawu nwokaiyim yim wi waraur hiriiriyar haiginonkworinukripkaii.

³ Kara hinina naingwowi Adi Komii siya mi siir yinisisim ieya Jisis Kraiis krimiirin naingwoyimyok mi naingwobumbu mi iripa nongwomamair ae sowa hauugin mi ta hiriinansika sima wi krimiiram asi naingwokwonanaei mi krima wi wadie nwoki sibgu owim iripa

nongwomamairamın. Dimusi rani, nım krıma siir yaimwokiyaimwo imiir wakaeyokna apkım mi ırni nwırniyam naıngwokwonanaekım. Iriig.

Krıma iikamım simiiram daıngwokwonanae

⁴ An kara ha wakaekın kımıir pıugana saıir iikam nhırım yım ha wakaeyoknaekım. Dimusi rani, wım kıma ti siyımwokısiyımwoın Adi Komii siya boının krıma tıram siir wakaeyokna tırın mi an kara ini maırgımaırgar ywokiyın.

⁵ Kara kımıirin ti hınına boınkıkın, krıma ırni nwırniyam daıngwokwonanae. Yım ti yayım tapar bi kwıtıkım. Yım ti yayım yım bııgıbiı krıma naıngwo tıbmii kına mi ha wakaeyım yım sima. ⁶ Mi krıma Adi Komii kımıir Wanın siiram naıngwokwonanaei mi krıma siir yayı imiir warar timi wakaeyokna ap. Biıya siya kımıirin ti hınına boınkıkın, krıma ırni nwırniyam daıngwokwonanae.

⁷ Iikam whiekakım bıdi yınoopkiyım hında tında iikam imiir priıyksasaeyam. Sima ti hınına mıısısae boınamkım, Jısis siya iikam kımıir pıunan nwonanıkın mi siya nua tiriirin ha nıuunaiınıkın. Mi ti hırıinan siyımın ti iikam imiir sima nıksısaeiyın mi yım sima ini Kraıs siir sau omomnan ywowım. ⁸ Kıma, kımasiyar mıntıraona mi kıma wari dımın kibi kıbiyım kımıir kwoınau nwokaiyım Adi Komii siya haıgiyımawuwım simiir simiıra tırnanae, mhoııya kıra wı dımın taemın kasa hai rani, kımıirin wı siya hauuwi.

⁹ Mi yıpıki yayı nhırım Kraıs siir yayım simaka nınkın haıgınkıı, Adi Komii siya wı saıka nwo rani. Nıngaka. Mi yıpıki Kraıs siir yayı imiir

wakaeyokna api, Adi Komii siya mi siir yinisim ieya sowaniiyin wi saikar nwowi. ¹⁰ Mi inkam nwirki niti mi siya Kraisi siir yai imiir wakaeyokna ap karamae nwowi mi kira wi simiir kipi nikiuna apninopkai kiriir omakanau hiriir namamin mi wi simiir kipi mi boinwin hinin, ha wit. Mi kira simiirin hinina kipi mi boin, Adi Komii siya ini kimakar nwowin mi kimiirin wi siya nwowaiginuwi iripa nongwomamair aeyam. ¹¹ Mi yipiki ti inkam biyie hiriinanin siir boini hinin siya wi saika nongwomamair aei mi yio tari siir nomiiyaugin mi dimin biyeyim yipiki biya ti inkam ieya tirim yim iriipi siir waraigim.

Nikopkaigiyan yai aeya

¹² Dimin kasakasa rani, kara naingwowim kimiir boinmimauuam mi kara simiirin pi yokwoni ara winki rani. Kara kimiir kignakiyam tiri mi ta hiriinan sairsika krima wi iripa nwoki boinaiyim ti dimin taemin imiirin mi krima wi maigimairga niki inan oswowim. ¹³ Mi kiriir yokman yaowae budieya sair yinisimim, sima nokboinmamaigikim. Iriig.

Yai Win Kibiya
The New Testament in the Sepik Iwam Language of
Papua New Guinea
Nupela Testamen long tokples Sepik Iwam long
Niugini

copyright © 1989 Wycliffe Bible Translators, Inc.

Language: Sepik Iwam (Iwam, Sepik)

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-10-23

PDF generated using Haiola and XeLaTeX on 11 Nov 2022 from source files dated 9 Oct 2020

5350dc83-93b2-5000-9c98-dcdb728ba84f